

आकाशवाणी

1. प्रधानमंत्री नरेन्द्र मोदी होरें व्हाइट हाउस च अमरीका दे राष्ट्रपति डोनाल्ड ट्रम्प हुंदे'नै दपक्खी गल्लबात कीती। उ'नें आखेआ जे अमरीका ते भारत 2030 तगर 500 बिलियन डॉलरें दे दपक्खी बपार दा लक्ष्य लेइयै चलै करदे न।
2. अमरीका दे राष्ट्रपति डोनाल्ड ट्रम्प होरें भारत कन्नै एफ-35 लड़ाकू जहाजें आहले सौदे दा ऐलान कीता ऐ।
3. भारत ते अमरीका, आतंकवाद दा सामना करने ते बन्ने—पारा आहले आतंकवाद दा समूलचा नास करने लेई अपनी सांझ-भ्याली होर तगड़ा बनाने गितै राजी होई गे न।
4. संसद दे दौनें सदनें च बजट इजलास दे पैहले चरण दी कार्यवाही संपन्न हून अगली बैठक 10 मार्च गी लग्गोग। लोकसभा च कम्मै—काजै दी उत्पादकता तकरीबन 112 फीसद रेही ऐ।
5. गृह मंत्री अमित शाह होर 38मीं राष्ट्रीय खेड्डें दे समापन समारोह च बतौर मुख परौहने शिरकत करडन।

<><><><><><><><>

PM

प्रधानमंत्री नरेन्द्र मोदी होरें गलाया ऐ जे भारत ते अमरीका नै 2030 ब'रे तगर दपक्खी बपार गी दुगना करी 500 अरब डॉलर करने दा फैसला कीता ऐ। उनें अज्ज वाशिंग्टन डीसी च व्हाइट हाउस च अमरीकी राष्ट्रपति डोनाल्ड ट्रंप हुंदे कन्नै दपक्खी वार्ता मगरा संयुक्त संवाददाता सम्मेलन दुरान एह गल्ल आक्खी। मोदी होरें आखेआ जे भारत ते अमरीका रणनीतिक साझेदारी गी अग्ले बधाना जारी रखगन। उनें आखेआ जे दवै मुख्यबंशकार सहयोग ते साझेदारीइक बेहतर विश्व दे निर्माण च कारगर साबत होई सकदी ऐ। उनें आखेआ जे दवै मुख्य रणनीतिक प्रौद्योगिकी दा इस्तेमाल करदे होई सरबंधें गी होर मजबूत करगन। मोदी होरें आखेआ जे भारत दी रक्षा तैआरिए च अमरीका महत्वपूर्ण भूमिका नभांदा ऐ। रणनीतिक ते विश्व स्तरीय साझेदारी दे रूपै च दवै मुख्य संयुक्त विकास, संयुक्त उत्पादन ते प्रौद्योगिकी विकास दी दिशा च सक्रिय तौरा पर अग्रसर न। प्रधानमंत्री होरें गलाया जे राष्ट्रपति ट्रंप होरें अपने कार्यकाल दुरान भारत अमरीका सरबंधे गी बढ़ावा दित्ता ऐ। अमरीका च भारतीय समुदाय इस क्षेत्र महत्वपूर्ण कड़ी दे रूप च कम्म करदा ऐ। मोदी होरें घोषणा कीती जे भारत लॉसएंजलिस ते बोस्टन च नमें वाणिज्य दूतावास खोलग। अमरीका च अपना कामयाब दौरा संपन्न करने परैत प्रधानमंत्री मोदी होर भारत लेई रवाना होई गे न।

<><><><><><><><>

F-35 Fighters

अमरीका दे राष्ट्रपति होरें आखेआ ऐ जे अमरीका दे परमाणु उद्योग लेई इक ऐतिहासिक घटनाक्रम दे तैहत भारत, अमरीका दी परमाणु टेक्नोलॉजी दा सोआगत करने लेई अपने कानूनें च सुधार करै करदा ऐ। उ'नें आखेआ जे एह तकनीकां, भारती बजारै च ऐल्लै बड़े

उच्चे स्तर पर न। उ'नें इब्बी आखेआ जे भारत ते अमरीका, सब्बनें शा महत्वपूर्ण बपारिक रस्ते – भारत–मध्यपूर्व–यूरोप आर्थिक गलियारे दे निर्माण च मदाद लेई किट्ठे रलियै कम्म करने गितै बी सैहमत होए न। श्री ट्रम्प होरें आखेआ जे अमरीका, आखरकार भारत गी एफ–35 लड़ाकू जहाज उपलब्ध करोआने लेई बी बत्त पदरी करै करदा ऐ। उ'नें इब्बी गलाया जे भारत ते अमरीका, दुनिया भरै च आतंकवाद दे खतरे दा मुकाबला करने लेई सदा कोला मते तगड़े तरीके कन्नै किट्ठे रलियै कम्म करडन।

<><><><><><>

PM US Terrorism

प्रधानमंत्री नरेन्द्र मोदी होरें आखेआ जे एह जंग दा जुग नेई ऐ ते सब्बनें मसलें गी कूटनीति दे राहें गै हल कीता जाना लोडचदा ऐ। प्रधानमंत्री होरें आखेआ जे भारत ते अमरीका, आतंकवाद खलाफ लड़ाई च किट्ठे रलियै मजबूती कन्नै खड़ोते दे न ते दौनें गै इस गल्लै पर राजी न जे बन्ने–पारा आहले आतंकवाद दे खात्मे लेई ठोस कार्रवाईयां लोडचदिआं न। प्रधानमंत्री होरें भारत च 2008 च नरसंहार करने आहले इक दोषी गी भारत दे सुपुर्द करने दे फैसले लेई अमरीकी राष्ट्रपति हुंदा धन्नवाद कीता। उ'नें अग्गे आखेआ ज भारत ते अमरीका, हिंद–प्रशांत खित्ते च रमानदारी, स्थिरता ते खुशहाली जकीनी बनाने लेई किट्ठे रलियै कम्म करडन ते एहदे च क्वाड समूह दी भूमिका बड़ी गै महत्वपूर्ण होग। उ'नें आखेआ जे अमरीका दे लोक, राष्ट्रपति ट्रम्प हुंदे उद्देश्ये कन्नै खरी चाल्ली वाकफ न ते ओह अमरीका गी परतियै इस दुनिया दा म्हान देश बनाना चाहदे न। श्री मोदी होरें आखेआ जे भारत दे लोक बी तेज रफ्तार कन्नै विकास–बाददे आहली भेठा अग्गे बधै करदे न ते इस दरान विकास ते विरासत दे मेल गी जकीनी बनाया जा करदा ऐ। उ'नें आखेआ जे ओह 2047 तगर भारत गी इक विकसित राष्ट्र बनाने दे ध्येइये गी लेइयै अग्गे बधै करदे न।

<><><><><><>

MEA

विदेश सचिव विक्रम मिसरी होरें गलाया ऐ जे राष्ट्रपति डोनाल्ड ट्रंप हुंदे दुए कार्यकाल दे शपथ ग्रहण दे त्रऊं हफ्तें दे अंदर प्रधानमंत्री नरेन्द्र मोदी हुंदी अमरीका यात्रा इस गल्ला दा संकेत ऐ जे दवै नेता भारत अमरीका सरबंधे गी प्राथमिकता दिंदे न। वाशिंगटन डीसी च मीडिया गी जानकारी दिंदे होई मिसरी होरें गलाया जे यात्रा दरानरणनीतिक ते सुरक्षा सैहयोग, रक्षा, बपार ते आर्थिक जुड़ाह, प्रौद्योगिकी , ऊर्जा सुरक्षा ते लोके बश्कार संपर्क, क्षेत्रीय ते वैश्विक मुद्दे शा लेइयै होर दुए मुख्य विषय उप्पर चर्चा कीती गई।

<><><><><><>

Budget Session

संसद दे दौनें सदनें च बजट इजलास दे पैहले चरण दी कार्यवाही संपन्न होई गई ऐ ते हून दौनें सदनें दी अगली बैठक 10 मार्च गी लग्गोग। लोकसभा च, स्पीकर ओम बिरला होरें सदन च कम्मकाज पर खुशी जतांदे होई आखेआ जे इस दरान कम्मै–काजै दी उत्पादकता तकरीबन 112 फीसद रेही ऐ। उनें दस्सेआ जे सदन च 177 सदस्ये राष्ट्रपति हुंदे अभिभाषण उप्पर धन्नवाद प्रस्ताऽ पर जारी चर्चा च 17 घेंटे शा मते समें लेई हिस्सा लैता। उनें इब्बी दस्सेआ जे 170 सांसदे, केन्द्री बजट 2025–26 पर जारी चर्चा च हिस्सा लैता ऐ। वक्फ संशोधन बिल 2024 बारै सांझी समिति दी रिपोर्ट गी बी सदन च पेश करी दित्ता गोआ ऐ। तोआई राज्यसभा दी कार्रवाई बी स्थगित होई गई ऐ ते हून राज्यसभा च बी अगली बैठक

10 मार्च गी गै लग्गोग। संसद दे इस इजलास दा पैहला चरण पिच्छले म्हीने दी 31 तरीक गी शुरू होआ हा।

<><><><><><>

Gadkari

केंद्र सरकारै पिच्छले 5एं बरें दरान जम्मू-कश्मीर च राष्ट्री जरनैली सिड़कें दे विकास ते रक्ख-रखाव पर 29 ज्हार करोड़ रुपें शा मते खर्च कीते न। केंद्रीय सिड़क ट्रांसपोर्ट ते जरनैली सिड़कें सरबंधी मैहकमे दे मंत्री नितिन गडकरी होरें कल संसद च इक सोआलै दा परता दिंदे होई दस्सेआ जे सरकारै पिच्छले 5एं बरें च इक ज्हार किलोमीटर शा मती सिड़कें दा निर्माण कीता ऐ। केंद्रीय मंत्री होरें इब्बी दस्सेआ जे जम्मू-कश्मीर च सिड़क नेटवर्क गी भलेआं अज्जै-कल्लै दिएं जरूरतै स्थाबै बनाने आस्तै बी बड़े बेहतर जतन कीते जा'रदे न। इंदे च जरनैली सिड़कें गी चार लेन आह्ला बनाने सने केई सुरंगें दा निर्माण ते होर दुई महत्वाकांक्षी परियोजनां जारी न।

<><><><><><>

Mahakumbh

प्रसार भारत दे प्रधान नवनीत सहगल होरें गलाया ऐ जे कुंभवाणी स्टेशन उप्पर महाकुंभ दा प्रसारण प्रसार भारती दा सेई ते भरोसे आले सूचना देने दे उद्देश्य गी दर्शादा ऐ। सहगल होरें जंदे वीरवारें संगम च पवित्र डुबकी लाने मगरा प्रयागराज च कुंभवाणी रेडियो स्टेशन उप्पर इक कार्यक्रम गी संबोधत करदे होई एह गल्ल आक्खी। स्टेशन दी सराहना करदे होई आखेआ जे एह महाकुंभदी लाईव ते बसाह भरोसे आली कवरेज लेई इक महत्वपूर्ण केन्द्र दे रूपै च उभरेआ ऐ।

<><><><><><>श

New Delhi

न्हीं दिल्ली च 15 फरवरी गी 5 रोजा पूर्वोत्तर एकता महोत्सव दा आयोजन होआ'रदा ऐ। एहदा विषय ऐ "एक आवाज एक राष्ट्र" एह कार्यक्रम 20 फरवरी तगर चलाग। एह आयोजन एकता, आपसी सैहयोग ते खेड्ड ते सांस्कृतिक गतिविधिएं राएं प्रचलित रूढीएं गी चुनौती देने दा प्रतीक होग। असम राईफल्स ते नार्थ-ईस्ट एसोसिएशन दे सैहयोग कन्नै आयोजित एह कार्यक्रम पूर्वोत्तर भारत दी खेड्ड भावना ते सांस्कृतिक विरासत दा जश्न मनाया ऐ। दिल्ली विश्वविद्यालय दे 4 ज्हार शा मते विद्यार्थिएं ते नीजि विश्वविद्यालयें विद्यार्थी इस आयोजन दी तैआरी करा'रदे न।

<><><><><><>श

National Games

केन्द्री गृह मंत्री अमित शाह होर अज्ज हल्दवानी च 38में राष्ट्रीय खेड्डें दे समापन समारोह च बतौर मुख् परौहने शिरकत करगन। प्रधानमंत्री नरेन्द्र मोदी होरें 28 जनवरी गी देहरादून दे महाराणा प्रताप स्पोर्ट्स कालेज च राष्ट्रीय खेड्डें दा उद्घाटन पैहले बक्ख-बक्ख खेड्ड स्पर्धाएं दा आयोजन थाहर रेआ ऐ। एहदे अलावा मती सारियां प्रतियोगिता हल्दवानी हरिद्वार

ते रूद्रापुर शैहर च आयोजत होइयां न। राष्ट्रीय खेड्डें दा समापन समारोह दपैहरी 2 बजे हल्दवानी दे अंतर्राष्ट्रीय खेड्ड परिसर च आयोजत कीता जाग। गृहमंत्री हुंदे अलावा खेड्ड मंत्री डॉ. मनसुख मांडविया, उत्तरखंड दे मुख्मन्त्री पुष्कर सिंह धामी, केन्द्री सड्के ते यातायात राज्य मंत्री अजय तमता, उत्तराखंड दे खेड्ड मंत्री रेखा आर्या ते होर दुइयां मन्नी परमन्नी दी हस्तियां बी हिस्सा लैंगन।

<><><><><>श

Women Cricket League

महिला क्रिकेट च आज्ज त्रीया महिला प्रीमियर लीग टूर्नामेंट वडोदरा च शुरू होग। उदघाटनी मैच च पिच्छली बारी दे चैंपियन रॉयल चैलेंजर्स बेंगलुरु-आरसीबी दा सामना गुजरात जायंट्स कन्नै होग। भारत दी सलामी बल्लेबाज स्मृति मंधाना आरसीबी दी कप्तानी करडन, जदके ऑस्ट्रेलिया दी एशले गार्डनर गुजरात जायंट्स दिआं कप्तान होडन। एह मैच अज्ज संझा साड्डे 7 बजे शुरू होग। इस टूर्नामेंट च 5 टीमां, आरसीबी, गुजरात जायंट्स, दिल्ली कैपिटल्स, यूपी वारियर्स ते मुंबई इंडियंस हिस्सा लै करदिआं न। एह टूर्नामेंट 15 मार्च तगर चलोग ते एहदा फाइनल मुंबई दे ब्रेबॉर्न स्टेडियम च खेड्डेआ जाहग।

<><><><><><>

IMD

भारतीय मौसम विभाग नै अज्ज हिमाचल प्रदेश दी बक्ख-बक्ख थाहरें च शीत लैहर दा अनुमान लाया ऐ। विभाग नै उप हिमालीय, पच्छिम बंगाल ते सिक्किम दी बक्ख-बक्ख थाहरें उप्पर घने कोहरे दी पेशगोई कीती ऐ। मौसम विभाग मूजब अज्ज अरुणाचल प्रदेश च हल्की बरखादी मेद ऐ। मेघालय, नागालैंड, मणिपुर, मिजोरम ते त्रिपुरा च बी हल्की बरखा पेई सकदी ऐ।

<><><><><><>श